




A. LAURENTIUS

De Cruce Piorum.

Hafniae 1580.



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1045 4°





Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1045 4°



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1045 4°




Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
LN 1045 4°


3. - 186.

LN 1045

M







DE CRUCE PIORVM 72.
THESES
PVBLICE AD DISPVT
TANDVM

Die 27. Iulij. Anni 80.

AB
ANDREA LAVRENTIO
propositæ.
IACOBO IACOBI F.
Respondente.



H A F N I A E

Imprimebat Andreas Gutterwitz.

ANNO
M. D. LXXX.

86

DE ERVEN THOMAS
THESE
FABRICHE AD DISSE
TANDE
DE ERVEN THOMAS
ANDREA LARSEN
LIGEND LARSEN &
LIGEND




HAERLE
Ingenieur en Architect
N. 10
D. 1111



THESES DE CRUCE ECCLESIAE ET

piorum.

I.



Cruce supplicium apud Iudeos, sicuti etiam apud alias gentes, ignominiosissimum erat. Deut. 21. Suspensus execrationi est.

II.

Inde ad huius vitæ misérias, quæ carni videntur ignominiosæ, in Ecclesiæ sermonem vocabulum tractum est.

III. Est ergo Crux quævis animi vel corporis afflictio pijs certo Dei consilio imposita.

IIII. Eius gradus à proprijs causis sumpti, quatuor recte statuuntur: ut sunt τιμορίαι, δοκιμασίαι, μαρτύριον & λύτρον.

V. Primus, τιμορίαι, id est pænæ, quæ ob peccata, ut Davidis adulterium, 2. Sam. 11. Osie Polypragmosynen, 2. Chron. 26. delinquentibus irrogantur.

VI. Harum pænarum causæ quatuor sunt præcipuæ.

VII. 1. Ordo iusticiæ Dei, in eos, qui ruunt in scelera, animadvertentis. Gen. 18. An iudex totius terræ non faceret iudicium? Numer. 14. prorsus non absoluit fontem. Psal. 61. Reddet unicuique secundum opera ipsius.

A 2

Vt ho-

VIII. 2. *Vt honestorum & turpium discrimen sit illustrius, quod nullum, si scelera non vindicarentur, esse videri posset.*

IX. 3. *Vt & ipsi, qui in pœnis hærent, & alij horum exemplis permoti discant sapere. Num. 26. fuerunt in signum. Deut. 19. Qui reliqui sunt, audientes timeant, neq. deinceps pergant facere simile quicquam.*

X. 4. *Vt vitæ communis societas, quam scelerum licentia dissipat, eò melius conseruetur.*

XI. *Resipiscētibz vel tolluntur, vel mitigantur pœnæ. Psal. 89. Visitabo virgā defectionem eorum. Hoseæ II. Non faciam furorem iræ meæ.*

XII. *Secundus gradus est, δοκιμασία, id est qua fides & patientia Sanctorum, vt Abrahæ, Gen. 22. Iosephi, Gen. 39. Syrophœnissæ, Matth. 15. & aliorum, explorantur.*

XIII. *Huius probationis sæpe meminit Scriptura. Psal. 66. Probasti nos sicut conflator argentum. Galat. 4. Experimentum meū pro nihilo non habuistis.*

XIIII. *Tertius gradus est μαρτύριον, id est testimonium, quod veritati doctrinæ cælestis, cruenta morte Sanctorum, vt Abelis, Stephani, Baptistæ, Pauli, &c datur.*

XV. *Martyres enim eos, qui dirissimos perpepsi cruciatus, vitam & sanguinem pro veritatis confessione fudere, vicarunt.*

XVI. *Horum crux certum est animæ immortalitatis, & futuræ vitæ argumentum.*

Alij.

XVII. Alij, qui magno animo mortem oppetierunt, (ut olim circumcelliones, & nostra memoria multi Anabaptistæ & Libertini, hoc tam augustum nomen mereri non possunt.

XVIII. Non enim quid quisq; patiat: sed quare patiat, attendi debet: quemadmodum recte dixit Augustinus.

XIX. Quartus gradus est λύτρωσις, quod proprie significat precium, quo captivi redimuntur: unde ad spirituales liberationem à peccato, morte & potestate Diaboli, deducta est vocabuli significatio. Vt Matt. 20. Christus venit, ut daret λύτρωσις animam suam.

XX. Ut primus gradus est piorum & impiorum communis: alter & tertius piorum proprius: sic postremus solus filij Dei est. Psal. 64. Quæ non rapui reddidi. Esa: 63. Torcular calavi solus.

XXI. Cum enim homines nec legi Dei satisfacere, nec iudicium legis & molem pœnarum (quorum alterutrum postulabat iusticia Dei) sustinere possent: mirando consilio decretum fuit, ut ὁ λόγος Homo factus, legem impleret.

XXII. Ut igitur solius Christi obedientia sumus iusti: ita propter λύτρωσις ab ipso persolutum, sumus liberati à morte & tyrannide Diaboli.

XXIII. Causa primaria crucis & afflictionis est cum primorum parentum contumacia, tum etiam singulorum peccata. Rom. 5. Per peccatum mors. Psal. 39. Propter peccata corripis hominem.

XXIIII. Efficiens est ipse Deus. 1. Cor. II. *A*. Domino corripimur. Amos 3. Non est malum in ciuitate, quod non fecit Dominus.

XXV. Forma Crucis est afflictionum varietas: Ut carcer, amissio eorum qui nobis chari fuere, Schapha, Tympanismus (Nam & horum meminit Scriptura) exilium &c. de quibus 1. Cor. 4. & 2. Cor. II. & Autor Epistolæ ad Hebr. II.

XXVI. Vtitur autem Deus varijs medijs, & quasi instrumentis ad flagellandos suos, quorum aliquot indicasse operæ precium fuerit.

XXVII. 1. Angelis bonis & malis. 2. Sam. 24. excitat Angelus Iehouæ pestem, qua septuaginta millia virorum absumpti sunt: & Satanae permittitur Iobum grauiſsimè affligere.

XXVIII. 2. Hominibus: Ut Magistratu, Tyrannis, Hypocritis, Hereticis: quod pluribus Exemplis declarari posset.

XXIX. 3. Elementis ipsis: Ut aqua in diluuio Gen. 7. terra: Num. 16. aëre: Ut meteoris varij generis.

XXX. 4. Bello, fame, peste alijsq; morbis. Leuit. 26. Deut. 28. Amos 4. Misiſti in nos pestem pro ratione Ægypti.

XXXI. 5. Brutis: Ut feris, locustis, erucis, melolonthis, quas Deus suas copias Iobelis 2. vocat.

XXXII. Sunt & alij modi, quos ideo considerare oportet, ut intelligamus, quàm horrendum sit, in Dei irati manus incidere.

Fines

XXXIII. Fines & effectus varij sunt, qui ad duos maximè insignes propemodum reuocari queunt.

XXXIIII. 1. Est Dei gloria, quæ dum affliguntur pii, inuocatione ardentissima; & post liberationem; sacrificijs Eucharisticis, illustratur. Psal. 37. Abscondisti faciem tuam & territus sum: tum ad te, Iehoua, clamaui.

XXXV. 2. Vtilitas hominum quæ ex cruce & afflictionibus multiplex existit.

XXXVI. Primum enim discunt melius quam aliàs: & iram Dei aduersus peccata, quam securi ferè neglexerant, eiusq; potentiam in liberando, & benignitatem erga resipiscentes, intelligere.

XXXVII. 2. Discunt se ipsos, quos antea cæcus amor sui, & alij vitiosi affectus fascinarant, melius nosse. Ieremiæ 31. Castigasti me & eruditus sum.

XXXVIII. Fit enim ferè, vt in secundis rebus sint negligentiores. Deuter. 32. Saginatus Ieschurum recalcitrauit: In aduersis verò ardentius Deum precentur. Esa. 29. Domine in tribulatione visitant te.

XXXIX. 3. Assuefiunt patientiæ. Rom. 5. Gloriamur in oppressiõibus, scientes quod oppressio patientiam efficiat.

XL. 4. Discunt etiam quantum hominibus fidendum sit. Nam pauci inueniuntur, qui in aduersis amicorum rebus, ad felicius latus navis se non inclinent. Prouerb. 17. Frater in angustia enascitur.

Cum

XLI. 5. Cum tandem experti fuerint in huius mundi rebus, nullam esse constantem felicitatem: contendant ad aliam vitam, in qua æternum beati erunt.

XLII. Hæc beatitas non ob ullas nostras afflictiones: sed propter Christi obedientiam, & dñs op ab eo persolutum; credentibus in eum, gratuito donatur. Rom. 6. Donum Dei vita æterna.

P O R I S M A T A.

I.

Vt persecutionum tempestatem: sic morbos contagiosos pijs interdum secessione declinare licet.

II.

Afflictiones sunt malum.

III.

Castigationes piorum sunt temporariæ, nec semper in eorum posteros deriuantur.

IIII.

Tyranni, etiam cum iussu à Deo, ipsius iudicia exequuntur, peccant.

V.

Hominum peccata ex præsentibus pœnis æstimanda non erunt.

VI.

Mala vel imminetia, vel præsentia deprecari concessum est.

